

Dils cavacristallas

en Discuors sur mistregns e mistergners en Tujetsch dil 18 e 19avel tschentaner da Victor Berther, Rueras (1915 - 1994)

In liung ed interessant discuors ha il cavacristallas Gion Antoni Hitz da pia memoria raquintau inaga ni l'otra e detg fetg bia e caussas interessantas. Quei era in interessant mistregn. Pli baul mavi massa glied per cristallas. Ei enconuschevien denton mo paucs minerals e schevien la crappa dalla pli gronda valeta denter il rufid. El sez hagi anflau bia bi denter il scalgiam da fuorns vegls. Gie perfin el vitg, sper casa da Tschamuns, gest sin sulom dil baghetg encunter casa da Gion Antoni Monn-Ber, davart dadora bess da finiastra ora. Quella casa ei translocada vin Suloms entras in Decurtins, perdavons da pader Pellegrino da Bugnei. En quella casa era in Tschamun Decurtins (casa dils Tschamuns) che mavi per crappa ed a casa vegnevi ella zavrada ed il rufid bess da finiastra ora.

Il pli grond fuorn da cristallas en Tujetsch ei staus silla stgeina Culmatsch, da maun dalla Val Milar. Cheu eri egl intern dil cuolm in fuorn schi grond sc'in caplut. El eri endisch meters liungs e treis meters lads e cira 1.50 meters aults. Umens e femnas da Surrein, Selva e Rueras purtavien lenna si digl uaul Malamusa per sgargliar il glatsch egl intern. Inagada entras sgargliar glatsch, seigi il fuorn daus ensemen, satrond lenna ed uaffens. Il liug ha Gion Antoni Hitz giu mussau per in dils davos onns. Il fuorn udevi ad in Curschellas da Surrein, in Geromini da Selva, perdavons dalla tatta Tina da Tschamut ed in Riedi da Rueras. Ils da Tschamut mavien in per onns quasi tuts per crappa, per fier (alas carteivel) ella Val Curnera e Cavradi. Ord il cudisch da pader Flurin Maissen saiel schar suandar ils numns dils cavacrappa che suondan tenor alfabet:

Caduff Giachen Fidel	nies tat naschius 1823 - 1886 Quel haveva fatg atras ella Val Panaglia ina cambrola da crappa e mitschaut cun la veta per miracla (ina platta haveva scarpau ils nuvs dil libroc, schi filau era ei iu)
Caduff Hans Giachen	giu fatg l'excursiun sil Crispalt 12 da settember 1804 cun pader Placi a Spescha
Cavegn Adolf	1863 - 1946
Cavegn Carli	1858 - 1929
Cavegn Florentin	1865 - 1936
Cavegn Lucas	1816 - 1884 Hotel dalla Cruna
Cavegn Giachen Fidel	1811 - bab, sedisgrazias ils 12 da settember 1872 en Val Giuf
Curschellas	da Surrein
Decurtins Tschamun	1773 - 1860 mava aunc cun caultschas cuortas
Geromini Barclamiu	1827 - 1887 in Talianer, secasaus en cusch. della via
Jacomet Lorenz	Camischolas, 1830 - 1900, fravi e catschadur
Jacomet Luis	Luis tgavrè vegl
Hitz Gion Antoni	1873 - ; seigi staus il pli grond amitg ed enconuschider da minerals. Giu fatg 1500 turas en Val Giuf ni Cavradi.
Loretz Franz	1826 - 1906
Loretz Michel	1883 - ; numnaus il gagliard
Loretz Sep Antoni	1845 - 1914
Monn Vigeli	1859 - 1932; disgrazias sut caschner a Nislas; bab da Vigeli Monn da Bugnei.
Monn Vigeli, vegl	1817 - 1907, numnaus il Tiner, fagevi en pat. pardavonts de veterinari dr. Monn
Peder Vigeli	1846 - 1902, eri era in capavel e renconuschiu mineralog. Quei eri empau in filosof, haveva buca bugen gronds mussaments exteriurs vid la crappa, rascheras. El schevi: Grond-Scheld, pintg'ustria.
Riedi Duri	1851 - 1910 scolast, paster, miradur. Quel vegnevi sin la pli gronda paga en Tujetsch. 1901 ha el mussau da far il quen dad alp sin pupi. Avon eran las stialas

da latg il mettel per far quen. Pader Baseli „Sin Cadruvi" pag 28 ei buca cuntents cun quella midada. Las stialas cun siu sistem eri enzatgei schi nizeivel ch'ins anflavi negliu sil mund.

Riedi Tumaisch	1802 - 1882, bab da Duri
Riedi Gion Rest	1830 - 1890
Schmid Gion Antoni	1877 - 1949, calger „tgetler"
Schmid Tumasich	1871 - , Tumaisch dil consum
Venzin Vigeli	1873 - 1934, bab da Giachen Giusep Venzin